

## ĀDUNIYA KULU BŌRŌ DAAMA BEIYANIYOM

### SENNI ZIIGO

Ka simma nna buricinitērē ka n bŌrŌ ŋwēnē iyaali bei nna daama duuri ka bŌrŌ fŌ su hini ka hoŋu n sē ya  
bara bŌŋŌ duuri nna laakari kaniyom āduniya kuna,

Ka simma nna ka bŌrŌ daama duuri bara hēi fŌ ka sariya hima a ma cēruma ka bŌrŌ mŌrani nna tilaasi  
guruje nna mēiyom bērēkētē nna kwēnē bŌrŌ futu,

Ka simma nna naanē ka āduniya zamaa sariya nyâ dam daama duuri ga buricinitērē nna bŌrŌ jirima bŌŋŌ  
nna kwēnē daama ka a gono weibŌrŌ nna harubŌrŌ ciyom afŌ gonouom kuna,

Ka simma nna ka binē a hima gŌ rŌkasinē hēnnŌ ma gono ganna nna ganna ŋmaaniyo binni n hānu kulu  
mŌŋjinē kweiyom dirŌu ga,

Ka simma nna ka āduniya zamaa diya mariga beeri, tabataniyom mēēfo ceejiyom ka n baa āduniya ganna  
zamaa kulu ma tŌ daama duuri hini ga nna a zaamani safu ŋwaani ŋwaani ka n damyom nna daama duuri ko  
ga a jirimani ko beiyom tŌntŌni ceeji a bŌŋŌ,

Ka simma nna ka āduniya zamaa marga beeri tutu ka nŋayo ba mēē cinēyo kulu cii kawa bŌrŌ ŋwēnē  
āduniya daama duuri hini ga,

Ka simma nna ka mēēcinēyo cimanio ya ba nam daama duuri gweiyo ma dira dei-dei,

āduniya zamaa marigā beiyani bŌrŌ ŋwēnē daama duuri ādininya kuna gwei cirici ka a hima zaamani an  
kokari kǎ ci tēentē n ŋmaarē ba mani za couyom hini kuna beiyom ceejiyom, ga, bŌrŌ kulu ma mēē cinē di  
ci a ŋwēnē ganna zamaayom kulu mŌ ma duwa ka geeri tila cirici wŌ ga. Za ganna ŋmaani ŋmaaniyom  
kuna hali an to āduniya zama kulu.

## ASARIYA SINTE (1)

Aduniya kuna n gu ibuna damayo hɛi nɔ dei-dei nn daama nna n burucinitɛɛ fɔ, n lasabu nna laakari ya nam nn mɔ huro cɛɛɛ kuna nyanze tɛɛɛ bɔŋɔɔ.

## ASARIYA HINKANTE (2)

Baa mɛi hima a ma gonna daama nna bɔŋɔɔ mɛiyom zaŋa ka daama bei beiyaniyom mɛɛ cinɛ na a siriyani dimi fisɔu yo ma sii. A sii nna n ma ci wɔ nɔ gaa kwaarɛ wɔ nɔ gaa bii wɔ nɔ weibɔrɔ wɔ nɔ harubɔrɔ.

A sii nna cinɛ fisɔuyom; a sii nna adiini fisɔuyom a binɛ sii nna siyasa fisɔuyom.

## ASARIYA HINZANTE (3)

Bɔrɔ kulu gonna hunayom nna bɔŋɔɔ mɛiyom nna bɔŋɔɔ naanɛyom daama.

## ASARIYA TAACINTE (4)

Bɔrɔ fɔ na hima an ci bɔrɔ fɔ sɛ tam dee binɛ n ma mɔɔriya bɛɛkɛtɛ. A ganna nɔ n hoŋu tamtɛɛ nna mɔɔriyayom bɛɛkɛtɛ ba hini fɔ ga.

## ASARIYA GUNTE (5)

N su bɔrɔ fɔ wahalani, n su ga cɛɛnani n binɛ su ga kamani.

## ASARIYA IDDUNTE (6)

Sariya ganna baa mani bɔrɔ gono a hima an saria ganna.

## ASARIYA IYENTE (7)

Iri kulu afɔ sariya mɔjinɛ ya nɔ binɛ sariya di gu iri kulu cɛɛɛɛ.

## ASARIYA AIYAAKUNTE (8)

Batumε gono bamεi sε qεε bɔrɔ na sariya daali n ma cεε goosi sariyayo di mɔjinε ka yii ko beiyom.

## ASARIYA EGANTE (9)

Hini sii bɔrɔ fɔ sε a ma hacinε dii ka daabu ɔu a ma gεi, dee binε a ma kaa kwaara ka na cii taalifɔ bɔɔɔ.

## ASARIYA WEINTE (10)

Hini gono bamεi sε an goosi cε; goosi ka a ba hini ka a nɔ cimi ɔu a ma tãgarani a daama nna a tilasi bɔɔɔ.

## ASARIYA WEICINIFONTE (11)

Ba n taali damyom nga se goosi ma a ciba n faaba kwε yo mɔjinε n ma du ka n ci taali kwε.

A sii na n ma bɔrɔ nɔ taali daa fɔ bɔɔɔ ka sariya dom na a jisi. Ya nɔ binε hãɔa gunguyom ka a bisa sasariya sii. Sariya zaka ya hima hãɔa gunguyom.

## ASARIYA WEICINI HINKANTE (12)

Bɔrɔ fɔ su mεε dam bɔrɔ fuu senni kuna bεrεkεtε. Ya nɔ binε bɔrɔ fɔ sii nna a ma haɔasinε jirima zobu.

Sariya bamεi cεruma nna alaamari zaɔa yayo.

## ASARIYA WEICINI HINZANTE (13)

Daama gono bamεi sε a ma kwei nuɔu ka a baa kulu.

A ma gɔrɔ kwaara ka a sawayom a sε a ma tunu saa ka a binε baa.

## ASARIYA WEICINI TAACINTE (14)

Bamεi ka sanani na n gaari n kwaara kuna daama gono n sε n ma gana kwaara ɔwaani ka hini ceeji n ma n

ta yoo.

Daama di su go n daabu dee a bara nna bɔrɔ wii ɔu binɛ daa bɛrɛkɛtɛ fɔ yo ka ɗduniya zamaa mariga beeri hoŋu.

#### ASARIYA WEICINI GUNTE (15)

Bamɛi kulu hima a ma gonna dimi.

N su hini ka hoŋu bɔrɔ sɛ a dimi takii bɔŋɔ.

#### Asariya weicini idunte (16)

Dee bɔrɔ kǎ tɔ balaga a sii nna ma dimi nna adiini fisɔu wei nna haru sɛ domi daama fɔ di nɔ n kulu gonna za n hiije waati hali n fefeiyom saa.

N su hini ka hiije hɔu ka a na ci nna n bɔrɔ hinka kulu bakasinɛ.

Iyaali ya bara zaamani safu ci cirici a ganna nɔ gominanti ga a cɛruma.

#### Asariya weicini iyentɛ (17)

Bamɛi, n bɔŋɔ fɔ nɔ, noo zamaa nɔ, daama gono wɔ gonna duuri.

A sii n ma bɔrɔ gaŋa a duuri takii bɔŋɔ.

#### Asariya weicini iyaakuntɛ (18)

Bamɛi kulu gonna daama lasabu, ga, diayom kuna nna adiini ganayom ga n binɛ ba hini ka baaru n bɔŋɔ fɔ ɔu noo zamaa ko ga loo zaŋa ka a sawa noo sɛ.

#### Asariya weicini ɛgantɛ (19)

BamEi kulu gonna lasabu nna senni daama. A sE ganna nɔ bɔrɔ su ba hEifɔ senni ɔu lasabu ko dirigoyom  
hEi ka a binE ba senni kulu hini ka sei ba mani.

Asariya warankantE (20)

BamEi kulu gonna kummayom nna igwe kuna gonoyom daama.

N su bɔrɔ tilasi igwe fɔ kuna wuroyom.

Asariya waranka cinifɔntE (21)

BamEi gonna daama a ma wuro a kwaara senni kuna a bɔŋɔ ɔu a barani ka a fisɔu.

BamEi kulu afɔ bɔŋɔ gonna daama a ma gwei tE a kwaara gominanti sE.

HƐi ka zamaa zaa ya bara kwaara yiiko. Zaayom di mo bara ka nna a tEtE biri.

Asariya waranka cini hinkantE (22)

Ni ka kulu n gono zamaa kuna hima nɔ n ma gonna zamaa di naanE daama. A ma du kŏ bara n bukaata mŏ  
biyayom zaa almani nna taadayo daama duuri hini ga hEiyo wɔ kulu nna kwaara zaama gaabi nna binE gɔrɔ  
ka sinE hEinnɔ kwarayo ŋwEnE alkawali hini ga. Ka simma nna zaŋa ka mEtE yaasi kwaara fɔ fɔ na ŋwEnE  
almani siriyani.

Asariya waranka cini hinzantE (23)

BamEi gonna daama a ma gwei ka ǎ baa fisɔu. Ya nɔ binE n ga a cEruma nna gwei zaŋEi.

BamEi munaafinsi baasi gonna gwei ka n tE banayom daama.

Ni ka n gwei tE kulu gonna banayom dei-dei daama ka a ba tɔ ni n ma n ŋwEnE iyaali kɔtɔ nna bEƐƐ bɔŋɔ.

BamEi gonna daama a ma gweiteeriyo zogi taayom igwe safu jisi a binE ba hini ka a bɔŋɔ dam a fɔ ŋwaani

ku na a bɔŋɔ bukaata fansayom ganna.

Asariya waranka cini taacintɛ (24)

Bamɛi gonna gwei hinanzobu nna hɔɔrɛ daama gwei kɛiyaniyom zaka nna gwei hinanzobu kuna banayom saa nna saa.

Asariya waranka cini guntɛ (25)

Bamɛi gonna jisiri daama ka a ba hini ko ga ŋwɛnɛ alaafia nna a iyaali kulu cɛruma nna, zaa ŋwaari, taafɛ, fuu nna baabuyom. Dee a bara sariti ya du ni ɔu binɛ gwei ya sara musiiba ya na n zeeri, zeenɛ nɔ, dee binɛ arooba fɔ ka a na ci n saabu a bara tilasi n ma duwa tɛɛ mako daama.

Wei kunu kweiyo, koo ŋwɛɛrayo gonna tɛɛmako nna kulayom daama. Koo kulu ka nna hɛi hiije bɔŋɔ, ka du ka nam nɲa ka n hɛi hiije si bɔŋɔ nn kulu gonna kulayom daama.

Asariya waranka cini iduntɛ (26)

Bamɛi gonna couyom daama. Couyom di ma du ka bara tilasi faala bɔŋɔ za coubugu cɛɛnɛ ka kwei sasa wantɛyo kammɛ gwei dendeniyom coubugu nɲa cɛrɛ hima n ma feeri bamani. Coubugu beeri n ma nɲa feeri nuɲu ka a hima.

Couyom di ma bara hɛifɔ ka a mɔɔ feeriyom nna jiri ma nufi daama duuri hini ga a ma ci saabu suuru nna kwaasitɛrɛ ma tɛɛ dimiyo nna adiiniyo binni laakari kaniyom nna wadaata ma tɛ bamɛi sɛ.

Nyaa nna baabɛ gonna daama n ma couyo ka n baa fisɔu n kōyo sɛ.

Asariya waranka cini iyentɛ (27)

Bɔrɔ kulu gonna daama a ma wuro a dimi taada kuna ka a hukumsi.

Bamɛi gonna daama taadayo kuna a ma a kaayom taago liiba ŋwaa; tila kaayom nɔ, ɔu hɔɔrɛ taagɔ.

Asariya waranka cini iyaakuntɛ (28)

Bɔrɔ kulu gonna daama a ma tɛ hɛi ka kwaara nna kwaara binni, nuɗu birijiyom ma si. Laakari kaniyom nna bɔɗɔ mɛiyom mo gono zaɗa ka nna beiyani bɔrɔ ɗuniya daama tila kuna a ma duka bara mɔɔriyantɛ.

Asariya waranka cini ɛgantɛ (29)

Bɔrɔ gonna tilasiyo zamani ka kuna a gono. Zamani di ka kuna a fɔlɔnku bɔrɔ tɛrɛ nna a jirima hini ka tɛ.

A daama nna a bɔɗɔ mɛiyom looyom kuna nɔ sariya tikitɛ a sɛ a ma duwa ko bɔrɔ cinniyo daama nna n bɔɗɔ mɛiyom bei n sɛ. Macɛrɛsɛ mo gono bamɛi sɛ.

N su ba hini ka daama nna bɔɗɔ mɛiyo di loo ka na cii zaɗa ka yaasi ɗuniyakwaara diyayo marigayom na a jisi.

Asariya waranzantɛ (30)

Beiyaniyom wɔ looyom ga siriya fɔ sii ka a ba nam kwaara fɔ su safu fɔ dee binɛ bɔrɔ ma tunu ka kɔɔnɛ ko ceeji gǎnna zamaa ma daama duuri nna bɔɗɔ mɛiyom di ka n dam tila kuna saabu.